

BERITA HARIAN

DATE: 13/08/2007

# 'Pendidikan mampu ubah hidup masyarakat'

**P**EKAN: Pendidikan adalah aset paling besar yang dapat mengubah kehidupan masyarakat, kata Timbalan Perdana Menteri, Datuk Seri Mohd Najib Razak.

Katanya, harta yang bertimbun akan terhakis jika orang yang memilikinya tidak berilmu dan tidak tahu memanfaatkannya.

"Jika kita mewarisi harta pusaka, tetapi tidak tahu memanfaatkannya, harta itu akan terhakis sedikit demi sedikit. Sebaliknya, jika mempunyai ilmu, tidak ada sesiapa yang dapat merampasnya daripada genggamannya kita.

"Orang boleh mengambil harta dan kuasa kita, tetapi tidak mungkin dapat mengambil ilmu yang kita miliki," katanya pada Majlis Perasmian Penutup Program Bakti Sosial dan Makan Malam anjuran Kelab Anak Wawasan Pekan (Kawan), Perkumpulan Perempuan (WI) Pekan dan Kelab Umno Luar Negara, malam kelmarin.

Program empat hari itu membatik 63 pelajar institusi pengajian tinggi di luar negara yang ditempatkan bersama 61 keluarga angkat.

Sepanjang program itu, mereka menganjurkan program pemeriksa-

an kesihatan dan motivasi kecemerlangan kepada pelajar di lima sekolah di kawasan itu.

Najib berkata, ilmu dalam satu generasi dapat melakukan perubahan besar kepada cara kehidupan sesuatu masyarakat.

Beliau memberi contoh bagaimana seorang anak daripada sebuah keluarga miskin mampu menjawat jawatan ketua pegawai eksekutif syarikat berkaitan kerajaan (GLC) hasil usaha gigihnya.


"Kini beliau menerajui sebuah organisasi besar dengan gaji berpuh ribu ringgit sebulan.

Justeru, tidak mustahil suatu hari nanti anak Kuala Pahang juga mampu menjadi orang yang berjaya pada masa depan.

"Saya teringin melihat anak Kuala Pahang yang pada waktu kecilnya biasa turun ke laut menjadi manusia yang berjaya dan disanjung tinggi masyarakat," katanya.

Beliau percaya program motivasi seperti itu, semangat mencapai sesuatu yang luar biasa dapat dipupuk.

Program itu juga, katanya dapat mengikat silaturahim yang mendalam antara anak angkat dan keluarga angkat masing-masing.



**TABUR BAKTI:** Najib bersalaman dengan sebahagian peserta program Bakti Sosial pelajar luar negara pada majlis Penutup Program Bakti Sosial dan Makan Malam di Pekan, malam kelmarin.